

مجموعه سنون

از

جمعیت علمیه عثمانیه

ایکینچى پى

نومرو ۱۶

ربع الاخر

استانبول

جمعیت علمیه عثمانیه مطبعه سنده طبع اولنشد

۱۲۸۰

(بریتانیا اطهری تاریخ و جغرافیای)

علم جغرافیا چه اروپا اون الی قطعیه منقسم اولوب بونلرک
دردی طرف شماله سنده یدیی وسطنده بشی جهت جنوبیه سنده
واقع اولدییی مجموعہ مزک اوچنی و دردیجی نومرولنده محرر
اروپا تاریخ و جغرافیای بخشنده بیان اولنشیدی . طرف
شمالیه واقع درت قطعہ نک برنجیسی بریتانیا اطهری درکه
یولک بریتانیا و ایرلانده جزیرتین کیرتینی ایلہ بحر محیط غریبده
شئلند اطهری نامیلہ سکسان الی و هیرید اطهری اسمیلہ
اوچوز واسقوچیاک جهت شمالیه سنده اورقادی اطهری نامیلہ
اوتوز و مانش دکرندہ صورنک اطهری اسمیلہ یوز قرق بش عدد
جزایر صغیره دن عبارتدر . یولک بریتانیا و ایرلانده جزیره لری
انکلترہ دولتنک اساس قوت و مکنی اولوب اشبوایکی جزیره ده
ممکن نفوسک مقداری اوتوز میلیون متجاوزدر . سائر جزایر
صغیره کلنجہ بونلرک اکثریسی پک کوچک اولدییی و بعضیاری دخی
اقتصادی هوا سندن و اسباب سائرده دن ناشی قابل اسکان
اولدییی جهتہ انجق یوز الی قدری مسکون اولوب نفوس

موجوده‌ای دخی نهایت ایکوز بیک نفره بالغ اولور . جزایر مذکورده دن بشقه بریتانیا اطهرلندن معدود سکر اون قدر دهامتفرق جزیره‌لر واردر . بونارکجه سی انکلهزه دولتهک تحت تصرفنده اولدیغندن بشقه صره‌سی کلدجکه منسوب اولدقلری قطع‌لرده بیان اولنده جغی اوزره دولت مسار الیهانک قطعات سائره کره ارضنده دهاپک چوق ممالکی اولوب کافه سنک اهالی متمکنه‌سی یوز سکسان میلیون نفوسه تخمین اولنور .

جزیره یوک بریتانیا

جزیره مزبوره مثلاً الشکل اوله‌رق شمال غریبدن جنوب شرقیه طوغری طولی بر میلیون ایکوز بیک ارشون یعنی سیر معتدل ایله یوز سکسان ساعت وعرضی جانب شمالده اوچوز التمش بیک ارشون یعنی التمش ساعت ووسطده اوچوز بیک ارشون یعنی الی ساعت وجنوب طرفنده الی یوز بیک ارشون یعنی یوز ساعت مقداری اولوب شمالاً وشرقاً بحر شمالی وجنوباً مانس دکری وغرباً سن جورج قنالی وایرلنده دکری واورقاده وهریدا اطهری ایله محدود ونفوس موجوده‌سی یکر میلبونی متجا وزدر . جزیره مذکورده ایکی مملکت کیرهیه منقسم اولوب برینه انکلهزه و دبکرینه اسقوچیا سمید قنور . بعضاً بتون جزیره‌یه دخی انکلهزه اطلاق اولنور . اشیبوا یکی مملکت میلادک بیک الیوز اوج تاریخندقدر ایکی حکومت مستقله هیئنده بولندرق سنه مذکورده برلشمس اولمغله احوال تاریخیلرینک بشقه بشقه بیانی مناسب کورلشدرد .

انگلتره قطعہ سی

قطعہ مذکورہ جزیرہ مزبورہ ک اراضیچہ اوج ربعدن زیادہ سنی
 حاوی اولوب نفوس موجودہ نک اون یدی میلیون مقداری وانگلتره
 دولتک پایتختی اولان لوندره شهری قطعہ مذکورہ در
 اورویانک الیوک شهری لوندره اولوب اوجیوزالتش ایکی بیک خانه
 و ایکی میلیون سکن یوزیک نفوسی حاریدر رومالور وقتندہ یعنی
 ایکی بیک سنہ مقدم شهر مذکور عادتاً کوچک برقصہ اولوب
 زیدہ بیان اولته جفی اوزره آنکل و ساقسون قوملری جزیره
 بالورود تشکیل ایلدکلری یدی حکومت مستقلہ نک بریسی اولان
 (اسکس) حکومتی حکمداری (ارکنون) شهر مذکوری بعض مرتبه
 توسیع ایدرک پایتخت اتخاذ ایتش ایدی مؤخرأ یوک آلفرد
 زمانندہ انگلتره دولتی پایتختی اتخاذ اولمغله بالتدریج
 ذکر اولتان جسماتی کسب ایتسدر (دورس) و (نوریج) و (هول)
 و (نیوگستل) و (لیورپول) و (بریستل) و (فالموس)
 و (پیموس) و (پورتسموس) و (اوکسفورد) و (یرمینغام)
 و (مانچستر) و (شفیلد) و (نوتنگام) و (قامبریج) و (بورق)
 شهرلری دخی قطعہ مذکورہ نک بلاد جسمیدہ و معتبره سندندر
 قطعہ مذکورہ متوسط حالده منبت و محصولدار اولوب فقط
 معدنیاتجه فوق الغایه زنکندر

انگلتره نک ایکی بیک سنہ مقدم احوالنه دائر شایان اعتماد
 روایات تاریخیه یوقدر رومالورک رجال مشهوره سندن بولتان
 ژول سزار میلاد حضرت عیسا دن الی درت والی بش سنہ مقدم
 جزیره مذکورہ یه ایکی دفعه عزیمت وقیم و تسخیرینه بذل ما حصل

مقدرت ایتمسیدی . صکره لری جزیره مزبوره ده قوه کافیه
بولند یریه مدیغندن دائره اطاعتدن حقمسیله میلادک قرق
اوجخی سنه سی روما رئیس جمهورلندن (قلود) زمانده
جزیره مذکوره نک تکرار قمع و تسخیرینه مباشرت اولمش وموی
ایهک اخلافی زمانده دخی تسببات واقعه نک ارقه سی بوشلا نلیه رق
انکلتره قطعہ سی کاملاً قبضه تصرفه السندقدن بشقه روما
عساکری آغریقولا نام جنرال تحت قومانده سنده اوله رق
اسقو چیاده واقع غرامیان طاعلرینه قدر ایلولمشلرایدی .
فقط بتون جزیره نک هیچ بروقنده کاملاً قمع و تسخیری مبسر اولدی .
میلادک درت یوز اون برنجی سنه سی روما امپراطوری
هو نور یوسک جزیره مذکوره دن بتون بتون کف ید ایتمی
وانکلتره قطعہ سی اها لسی بولنان بره تون قومی اسقو چیا اها لسنندن
اولوب فرصت بولدقجه انکلتره قطعہ سنه هجوم ایله انواع مظالم
وتعد یانه اجنسالر ایتمکده بولنان (پیکت) قومنه مقاومندن عاجز
قالملریله الاما نیاده متمکن ساقسون قومندن استعانه ایلملری
اوزرینه طائفه مر قومه وبونلری تعقیباً آنکل قومی دوستقله
قطعہ مذکوره یه دخول ایدرک یرلشمس ومؤخرأ اهای قدیمه سنی
طرد و تبعید ایله بالاستقلال قطعہ مذکوره یه متصرف
اوله رق ساقسون قومی درت و آنکل قومی اوج حکومت
تشکیل ایلمشلردر . قطعہ مذکوره اوچوز الی سنه قدر
بو صورته اداره اولنوب میلادک سکز یوزنجی سنه سی جلوس
ایتمش اولان ساقسون قومی حکومتلرندن (وسکس) حکومتی
قرالی اغیر حکومت مذکوره نک جمله سنی برلشدیره رک بر حکومت

تسکینی تصویر له شو نیتك قوه دن فعله اخراجنه بكرمی بش سنه
 اوغراشد قدن صكره بالآخره اثر درایت و شجاعتی اوله رق
 حكومات سبعة مذكوره بی كاملاً تسخیر موفقی اولوب میلادك
 سكر یوز بكرمی یدنجی سنه سی انكلتره قرالی عنوانی حائز اولمشدر .
 انكلتره دولتك ابتدای تسكلی تاریخ مذکور دن اعتبار اولنور .
 مومی ایلد اغبرز ماندن عصر مزه كلنجیه دكین انكلتره ده سكر
 خاندان جالس سریر حكمرانی اولمشدر . برنجیسی ساقسون
 خاندانیدر كه بوندن اون یدی ذات قاعد صندالی حكمداری اولوب
 قرال اول مومی ایلد اغبردر . ایكنجیسی دایمارقه خاندانیدر كه بوندن
 برنجیسی سوئنون اوله رق انكلتره ده درت ذات اجرای
 سلطنت اولمشدر . اوچنجیسی نورمان خاندانیدر كه بوندن درت
 قرال ظهور ایدوب برنجیسی کیلومدر . درنجیسی
 پلانشارف خاندانیدر كه بو خاندان دن انكلتره تحشه اون درت
 قرال جلوس ایدوب برنجیسی ایكنجی هانریدر . اشبو خاندان صكره لری
 ایکی شعبه ده منقسم اولغله بونارك برینه لانقاستر و دیگرینه یورق
 فاملباسی سمیه اولنور . بشنجیسی تودور خاندانیدر كه بوندن اتی
 قرال جالس مسند حكمداری اولوب برنجیسی یدنجی هانریدر .
 اننجیسی ستوار خاندانیدر كه بوندن بش ذات صندالی نشین
 سلطنت اولوب قرال اول برنجی زاقدر . یدنجیسی اورائر خاندانیدر كه
 بوندن اوچنجی کیلوم نامیله یالکز برقرال جالس سریر سلطنت
 اولمشدر . سكرنجیسی هانور خاندانی اولوب زمام سلطنت
 الیوم بو خاندانك یداداره سننده در . خاندان مشار الیهدن شمده
 قدر بش ذات قاعد صندالی قرالیت اولوب اننجی حكمدار

حالا جالسہ سریر سلطنت اولان قرالچہ و یقور یادر .
 افادات مشر و حد دن آکلا شلدیخی اوزره انکلترہ دولتک ابتدای
 تسکلی اولان میلادک سکر یوز یکرمی یدبسندن شمدی یہ قدر یعنی
 یک اوتوز اتی سنہ ظرفندہ انکلترہ تخنہ سکر خاندانہ منسوب
 الی یدی ذات جلوس ایلشدر . و مؤخرأ بیان اولنہ جعی
 اوزره ستوار خاندانندن ایکجی قرال بولنان بریجی شارل پارلمونک
 حکمیله اعدام اولندقدہ قرالیت القا ایلہ جمهوریت تأسیس و مشہور
 قرومول و بعد وفاتہ اوغلی ایکجی قرومول رئیس جمهور نصب
 و تعیین قلمش ایسده جمهوریت اون برسہ تمد اولدقدن صکرہ
 فسخ ایلہ ینہ قرالیت ابقا اولمشدر . اشوایکی رئیس جمهور دخی
 حکمداران دن عدا اولندیخی بحالہ انکلترہ حکمدارانک عددی الی
 طقوزہ باغ اولور .

زمام ادارہ دولتک بر خاندان دن دیگر خاندانہ صورت انتقالک
 و حکمداران مشار الیہ دن تاریخچہ مشہور اولنری عصر لرنده
 سرزده ساحہ ظهور اولان بعض وقوعات مهمہ نک بیلشمی
 انکلترہ تاریخچہ معلومات مجمله حاصل ایدہ جکسندن بروجه
 اختصار بیانہ ابتدار اولنور .

مشار الیہ اغبر انکلترہ قرالی عنوانی حائز اولدقدن صکرہ
 طقوزسند دها معمر اولہرق میلادک سکر یوز اوتوز الیسنده
 وفات ایتمکله برینہ اوغلی (ایشلولف) و بعدہ صرہ سیلہ بونک
 اوغلاری (ایشلولد) و (ایشلرد) و (یولک آلفرد) جلوس ایلشدر .
 یولک آلفرد شجاع و فطین و دوراندیش و دقایق بین بر حکمدار
 اولدیغدن تشکیل محاکم و مجالس و تأسیس مکاتب و مدارس

مثالو تنظیم امور حکومت و تربیه اهالی و رعیت خصوصاً سنده
هم کیره و مساعی جبهه سی و قوچولش اولدیفندن انکثره جه
مشاهیر حکمداران دن معدود در . بونک اوائل سلطنتنده انکثره یه
دایمارقه لور هجوم ایدوب ایلاک دفعه منهرماً رجعت ایلشلا ایشده
دفعه ثانیده بیوک آفرده غلبه ایتشلا در . مشارالیه انهرامندن
صکره خلی وقت پیغوله نشین اختفا اولوب بو ائساده اکثراً
چوبان قیافتنه کیره رک دایمارقه عساکری ایچنده کشت و کذار
ایله احوال و عاداتلرینه تمایله کسب و قوف ایتدکن صکره
دایمارقه لور ایله تکرار محاربه یه قیام و نائل مظفریت اولوب
حکومتی استخلاص ایتش و یکریمی طقوز سنه شصت قرالیده
پایدار اولدقدن صکره میلادک طقوز یوزنجی سنه سی وفات
ایدرك یرینه اوغلی ادوار جلوس ایلشدر . مومی الیه دخی یکریمی
بش سنه اجرای سلطنتله ۹۲۵ سنه سی فوت اولوب یرینه
اوغلی (ایشلستن) و بعد وفاته برادری (ادموند) قرال اولش ایشده
مومی الیه ادمون الی سنه مرورنده (لئوف) نام کسندنک خنجر
غدریله مقتول اولغله تخت حکمداری یه برادری (ادرد) و بعده وفاته
یکنی یعنی مومی الیه ادموندک اوغلی (ادوی) و صکره بونک برادری
(ادغار) جلوس ایلشدر . مومی الیه ادغارک مدت سلطنتی اون سکر
سنه تمتد اولوب انکثره جه بعض قوانین معقوله وضع ایتدکن
صکره ۹۷۵ سنه سنده وفات ایتسکله یرینه اوغلی ایکنجی ادوار
جالس اولشدر . مومی الیه ایکنجی ادوار اون اوج یاشنده
اولدیغی حالد جلوس ایدوب اوج سنه مرورنده اوکی والده سی
الفریدامعرفتیه قتل ایتدیریه رک یرینه برادری و مومی الیه

اوغلی (ایکنجی ایلرد) جلوس ایلشدر .
 مومی الیه فوق الغایه جبین و متکاسل و ذقایق اداره مملکتدن
 غافل اولدیغندن بشقه سریر حکمداری یه جلوسی والدہ سنک
 ثمره غدر و اهانتی اولمغله اہالی کندو سندن متغیرو لندیغندن
 ۱۰۱۳ سنہ سی دایمارقہ لوزک انکترہ یه وقوعبولان هجومندہ
 مقاومندن عاجز قالہرق فرارہ مجبور اولمغله انکترہ تختہ دایمارقہ
 قرالی (سوئہ نون) جلوس ایتش و بو جہتلہ عنان اداره
 سلطنت دایمارقہ خاندانی یدینہ انتقال ایلشدر .
 فقط سوئہ نون نائل اولدیغی مظفریت جمیعہ دن مدت مدیدہ استفادہ
 ایدہ میوب انکترہ تختہ جلو سندن برسئہ صکرہ فجاء وفات
 ایتکامہ مومی الیہ ایکنجی ایلرد انکترہ یه عودت ایدرک تکرار جلوس
 ایلش ایسده ایکی سنہ صکرہ وفات ایدرک یرینہ ۱۰۱۶ سنہ سی
 اوغلی ایکنجی ادموندک جلو سئدہ سوئہ نونک اوغلی قانون
 رفع لوای مخاصمہ ایدرک محاربات عدیدہ دن صکرہ بالمعاہدہ
 انکترہ ممالکی ایکسی بیندہ تقسیم قلمش و چوق یکمیدرک مومی الیہ
 ادموند قابنی ادریکک ثمرہ خیانتی اولق اوزرہ مقتولاً فوت اولمغله
 قانون بالاستقلال انکترہ یه متصرف اولشدر . مومی الیہ
 اثر درایت و فطانتی اولہرق امر حکومتدہ معتدلانہ و عاقلانہ
 حرکتلہ انکترلرک نظر محبتی جلبہ موفق اولدیغندن تبعہ جدیدہ سنک
 دائرہ اطاعتدن خروج ایدہ جکلرندن اصلا خوف ایتدیرک ۱۰۲۸
 سنہ سی انکترہ دن انفکاک ایلہ اسوج ونوروج اوزرینہ عزیمت
 و ممالک مذکورہ پی دخی قبضہ تصرفہ الدقدن صکرہ
 دایمارقہ پای تختی اولان قو پنہاقہ کلہ رک برمدت اقامتلہ

بعضی قوانین معقوله وضعندن صکره انگلتره یه عودت الی شدر
 مومی الیه معاصری بولتان حکمدارانک جله سنده تفوقله مشهردر
 انگلتره یی تمامیه قبضه تصرفه الدقدن صکره اون طقوز سنده
 ده اجلاس مسند حکمرانی اولوب ۱۰۳۶ ده ارتحال داز بقا
 الی شدر . قانون باوصینامه انگلتره یی بیوک اوغلی هارولده
 ودانمارقه یی دیگر اوغلی ایکنجی قانونه تخصیص الیش اولمقله
 انگلتره ایچون ایکی برادر بیننده منازعات کثیره وقوعندن صکره
 هارولده ۱۰۳۹ سنده سی وفات ایتمکله انگلتره تختنه ایکنجی قانون
 جلوس ایلدی . فقط اشوری ظالم و غدار اولدیفندن
 ایکی سنده ممد اولان مدت سلطنتنده اهالی حقنده فوق الغایه
 مظالم و تعدیات اجرا و سفاقت سیئده سی اوله رق ۱۰۴۱ ده
 ارتحال دار بقا الی سیه وانکلز لک رک مومی الیه ک و کرک سلفنک
 سوء حرکات و شدت تعدیاتندن یتر اوله رق دانمارقه خاندانندن
 صفومش اولمقرله ایکنجی ایثارلک اوغلی اولوب فراراً نورماندیاده (۱)
 بولتان اوچنچی ادواری جلب الیه انگلتره تختنه اجلاس ایلدی
 بوصورتله انگلتره حکومتی ینه ساقسون خاندانده عودت ایلدی
 مومی الیه اوچنچی ادوارک جلب واجلا سنده ساقسون
 فامیلیازی معتبراندن قونت غودون سبب مستقل اولمقله
 جلوسندن از بر مدت صکره غودونک قزی ادیشایی تزوج
 ایتدی . بوجهتله غودون فامیلیاسی خاندان قرالی یه

(۱) نورماندیا قطعه سی اولوقت مستقل بر دوقه لقی اولوب
 الیوم فرانسه ایالاتنددر .

کسب انتساب ایتدیکن و بالتدریج بین الاهالی پک چوق طرفدار پیدا ایلدیکندن او چنجی ادوارک ۱۰۶۶ سنه سی بلا ولد وفاتیده هر قدر انکلهه تختی حقوق وراثت اقتضا سنجه متوفانک یکنی ادغاره اصابت ایدر ایدسه غودون فاملیاسی طرفدارانی قرال متوفی حین وفاتیده غودونک اوغلی هارولدلی ولی عهد تعیین ایتشدر دهرک انتخاب اهالی ایله تخت قرالی به هارولد جلوس ایلدی . انجی نورماندیا درقه سی اولوب مومی اید او چنجی ادواره والده طرفندن اوزاخجه قرابتی اولان کیلوم قرال متوفانک وفاتیدن اول انکلهه کیتدیکنده کندوسی ولی عهد تعیین اولمش ایدوکنی بالادعا جمع ایتدیکی عسا کر کلبه ایله انکلهه به هجوم و وقوعبولان محاربه زده انکلهه لول مغلوب اولوب هارولد دخی اثنای محاربه ده وفات ایتکله صندالی قرالینه مومی ایله کیلوم جلوس ایتش و بو صورتله انکلهه تخت حکومتی نورماندیا خاندانسه انتقال ایتشدر .

مومی ایله برنجی کیلوم بکرمی برسنه مسند نشین حکمرانی اولدقدن صکره ۱۰۸۷ ده وفات ایدرکیرینه اوغلی ایکنجی کیلوم و بونک وفاتیدن صکره دیگر اوغلی برنجی هانری جلوس ایتشدر . مومی ایله برنجی هانری دخی تخت قرالیده اوتوز بش سنه پایدار اولوب ۱۱۳۵ ده وفات ایتکله حقوق وراثت اقتضا سنجه حکومت قری مایلده انتقال ایتک لازم کلورکن برنجی کیلیومک قری آدلک اوغلی آتیان انکلهه معتبرانی و باپاس طائفه سی جلب ایدرک تخت سلطنتی غصب ایله جلوس ایلدی ایدسه آنر و قونتی جو فروا پلانشارنک مومی ایله مایلدن متولد اوغلی و نورماندیا دوقه سی

ایکجی هاری ادعای حقوق وراثتله جمع ایسدیکی عساکر
وافره بی بالاستیحاب انکلتزه عزمت ایدوب طرفین محاربه یه
حاضر لشمیکن انکلتزه معتبرانشک توسطیله مومی الیه ایکجی
هاری انکلتزه تختله ولی عهد تعیین اولمق و اتیان حین وفاتله قدر
تخت قرالیده پایدار اولمق اوزره قرار وریله رک مخصوصه برطرف
ایدلمش و برسنه صکره مومی الیه اتیان وفات ایدرک ۱۱۵۴ سنه سی
ایکجی هاری جلوس ایدوب بوضورتله انکلتزه ممالکی پلانشارت
خاندانی ید تصرفنه بکمشدر .

ایکجی هاری شجاع و درایتکار بر حکمدار اولدیغندن از زمانده
قوت و قدرتیجه معاصری بولسان او روپا حکمدارلرینک
جمله سنه تفوق ایلش و ایرلانده اطه سنک فتح و تسخیرینه
و انکلتزه محاکم و مجالسجه پک چوق اصلاحات نافعه اجراسته
موفق اولمشدر . و خلی مدت اسایش اوزره اجرای سلطنت
ایدوب صکره لری انکلتزه رؤسای روحانیه سنک امتیازاتنه خلل
ویره جک بعض نظامات وضعنه قالمشسی و معتبران رؤسای
روحانیده دن اولوب تشببات واقعه سنه ممانعت کوسترن طوماس
پکئی اعدام ایتدرمسی جهتله خلقک نظر نفرتی جلب ایتمش
و فرانسه قرالی یدنجی لوینک مطلقه سی اولوب انکلتزه تختله
حین جلوسنده تزوج ایلدیکی اله نورک ثمره بحریکاتی اوله رق
اوغلاری دخی کمدوسنده عصیان ایلش اولغله بوندن متأثراً
۱۱۸۹ سنه سی وفات ایدرک یرینه ارسلان یورکلی لقبیله ملقب
اوغلی ریشار جلوس ایلشدر .
مومی الیه ریشار جسور و غیور بر حکمدار ایدیشه ده غایتله غدار و خونریز

اولوب حتی خریستیانلر طرفندن قدس شریفی الموق املیه
 قرون متوسطه ده ملت اسلاویه علیهنه وقوعبولان اهل صلیب
 محاربهلرینک دفعهٔ ثالثه سنده بولندرق ایکی بیک بشیوزاسیری
 دفعهٔ قتل و اعدام ایتدره شد . مومی الیه فوق الغایه خشین مزاج
 اولدیغندن معاصری بولتان اوروبا حکمدارانک نظر خصوصتی
 جلب ایدرک اکثر اوقاتی حرب و قتال ایله کچمش وبالاخره
 انشای محاربه ده شجروحاً و متأثراً بلا ولد ۱۱۹۹ سنه سی وفات
 ایلشدر . انکلتزه نک هر طرفنده اوزان و مقیاسک سیاق واحد
 اوزره استعمالی مومی الیهک اثارندندر . وفاتندن صکره سلطنت
 اولوقت معتبر و مرمی اولان حقوق وراثت اقتضا سنجه بیولک برادری
 جو فروانک اوغلی آلدوره انتقال ایتک لازم کلور ایکن دیگر برادری
 ژان سان تر نخت سلطنتی غصب ایله جلوس ایتش و مؤخرأ
 یکنی مومی الیه آلدوری دخی کندی الیه اعدام ایلشدر .
 مومی الیه ژان سان تر اوصاف مقدوحهٔ غدر و خونریزی ایله
 موصوف و امر حکومتی کندی افکار ظالمانه سنه تطبیقاً اداره یه
 مألوف اولغله انکلتزه معتبرانی بالاتفاق علیهنه قیام ایله قرالیت
 نفوذ و استقلالنی تقلیل و تحدید ایله برابر اهامالی حقنده بعض
 امتیازات اعطاسنی مبین بر شرطنامه تنظیم ایدرک مومی الیه جبرأ
 اعضا ایتدیرمشلردر . انکلتزه دولتک حکومت مشروطه اصوله
 کریشی تاریخ مذکور دن بدأ ایتش و مؤخرأ اصلاح و تحکیم اولمشدر .
 مذکور شرطنامه نک نسخهٔ اصلیه سی ترشه اوزرینه محرر اولدیغی
 حالده الیوم انکلتزه نمونه خانه سنده موجود اولدیغی مرویدر .
 مومی الیه اون یدی سنه اجرای حکومتدن صکره ۱۲۱۶ سنه سی

وفات ایدرک یرینه اوغلوار چنچی هانری طقوز یاششنده اولدیغی
 حالده جلوس ایلشدر بر قاج سنه امور مملکت بالوکاله اداره
 ایتدیر یلرک بعده مومی ایله زمام حکومتی کندی ید استقلالنه
 المش وفرانسهلو و سیچلیساتین اهاالسی ایله وقوعبولان محاربهلرده
 مغلوب اولهرق خیلی مصارفه دوچار اولدیغدن انکلتزه اهاالسنه
 تکالیف ثقیله تحمیل ایلشندن و پدرینک امضا کرده سی اولان
 شرطنامه احکامنه رعایت ایتامسندن ناشی رؤسای ملت علیهنه
 قیام ایله خیلی منازعات و محارباتدن صکره قرالت افعال و حرکاتنه
 حصر نظر دقت ایتک و شرائط اساسیه حکومتی خللدن وقایه
 ایتک اوزره اصلزادکاندن ویکرمی درت اعضادن مرکب
 بر مجلس تشکیلنه قرار ویریلرک ایجابی اجرا اولمش و مجلس
 مذکوره پارلمنتونای ویرلشدر فقط مجلس مذکور اعضاسی
 نفوذ لرینی کندی فوائد ذاتیلری طرفه صرف واستعمال
 ایلدکلری کورلدیکندن منافع اهاالی بی محافظه ایچون اعضاسی
 اهاالی طرفندن انتخاب اولمتی اوزره برده مبعوثان ملت مجلسی
 تشکیل قلمشدر. اشته انکلتزه دولتک درجه قصوای شوکت
 واقتداره و صولانه باعث اولان مشهور پارلمنتونک اساسی بوصورتله
 وضع اولمشدر. البوم انکلتزه پارلمنتوسی ایکی مجلسدن مرکب
 و اعضاسی بیک نفر دن زیاده در. اعضای مومی الیهک درتوزدن
 مجاوزی یا بالورائنه و یا خود دولت طرفندن نصب اولتان اصلزادکان
 ملت اولوب لورد مجلس تعمیرانور. و دیگر اهاالی طرفندن منتخب
 و مر سول التیوزدن مجاوزناتدن عبارت اولوب مبعوثان ملت مجلسی
 اطلاق قانور. وانکلتزه جه کافه امور مهده مذکور پارلمنتونک

استحصال موافقی لازمہ دندر . ارخبی هانریک الی الی سنہ
 ممداولان عدت سلطنتک اکثر اوقات بر منوال محرر مجبوراً اعطای
 امتیازات و ترتیب نظامات ایلہ مرور ایدوب ۱۲۷۲ سنہ سی وفات
 اینکله برینه اوغلی برنجی ادوار جلوس ایلشدر .
 مومی ایلہ برنجی ادوار شجاعت و درایتہ متصف و اصول اداره
 ملک و اقف بذات اولدیغ . دن انکله جہ پک چوق اجرات
 نافعہ و تأسیس نظامات مستحسنہ موفقی اولدی . و اسقوجیا
 قطعہ سنی بر قاج دفعہ تسخیر ایلدی . و انکله نک جہت
 غریبہ سندہ واقع اولوب مومی ایلہ زمانہ کلچہ دکن حوزہ
 اطاعتہ ادخال اولنہ مامش اولان غال مملکتی دخی قبضہ تصرفہ
 الدی . و بوقتی مختار اولق اوزرہ مخدومی و ولی عہدی اولان
 ایکنجی ادوارہ پرنس دوغال عنوانی اعطا ایلدی . انکله ولی
 عہد لری ایچندہ پرنس دوغال عنوانی الہ اول مومی ایلہ ایکنجی
 ادوار حائز اولمشدر . عن صلح رؤیت دعاوی یہ مأمور اولان
 محکمہ دخی مومی ایلہ برنجی ادوار مانند احداث اولمشدر .
 بعد وفاتہ برینه اوغلی ایکنجی ادوار جلوس ایدوب فرانسه
 قرالی در دنجی فلیپک قزی ایزابی تزوج ایتسی مؤخر
 انکله قرالدرینک فرانسه تختی ایچون حقوق وراثت ادعاسندہ
 بولمارینی مؤدی اولمرق ایکی مات بیلندہ یوز سنہ ممد اولان
 محاربہ طویلہ نتیجہ اولمشدر . مومی ایلہ زیادہ سیلہ سفاہتہ
 مائل و اداره ملکدن غافل اولغله رئیساری مومی الہا ایزابل
 ایلہ برادری ادوند اولمرق اہالیکنک اکثری علیہ قیام ایلہ
 مومی ایلہ اخذ و گرفت و بازمانونک حکمیلہ خلع و حبس اولمرق

زوجہ سی مومی الیہا نک وصایتی تختہ اولوق اوزره اوغلی اوچنبی
ادوار اون بش یاشنده و ۱۳۲۷ سنہ سنہ تخت حکمداریہ
اجلاس اولمشدر مومی الیہا ایزابلک (مورتمر) نام شخص ایلہ
اولان معاملات فاحشہ خفہ سی شایع اولہرق خلق کندوسندن
متفر اولغله زوجی حبسدن چیقاریلہرق تکرار تخت قرالی یدہ اجلاس
اولنور خوفیلہ مومی الیہا کیچہ محبسہ ایکی کشی ار سال
ایلہ قرال مخلوع مومی الیہک قارنہ قزدریش شہس صوقدیرہرق
اعدام ایتدرمشدر فقط اوغلی مومی الیہ اوچنبی ادوار اون سکر
یاشنہ واصل اولہرق زمام حکومتی یدہ استقلالنہ الد قدہ
والدہ سنک شریک جنایتی مومی الیہ مورتمری قتل ایتش ومومی الیہایی
دخی برقلعہ یہ حبس ایلہ وفاتنہ قدر اورادہ توقیف ایشدر
مومی الیہ اوچنبی ادوار مشاہیردن اولوب فرانسه واسقوچایہ
غلبہ ایدرک قرالربنی اسیر ایتش وانکترہ دولتنک مشہور
دیزبانی نشانی ومملکتندہ پوستہ اصولنی دخی مومی الیہ
تأسیس واحداث ایشدر

اوچنبی ادوار الی سنہ اجرای سلاطنتدن صکرہ ۱۳۷۷ سنہ سی
وفات ایتمکله یرینہ حقدی ایکنجی ریشار جلوس ایلدی مومی الیہ
ریشار اوچنبی ادوارک الک بیوک اوغلی ولی عہدی اولوب
پدرندن اول وفات ایتش اولان پرنس دوغالک اوغلی اولدیغندن
ولی عہد زادہ بولندیغنی ایچون مرعی اولان حقوق وراثت
اقتضا سنجہ وارث تخت سلطنت کندوسی ایدی
حین جلوسندہ اون یاشندہ اولغله عمو جہ لری لانقلاستر
دوقہ سی (ژان دوغان) دیوروق دوقہ سی (ادموند لانغلی) وغلوسستر

دوقه سی (لیونل) ریاستی تحت‌ده اوله رق پارلمنتونک رأی و انتخایله
 بر مجلس وصایت تشکیل اولوب امر حکومت مجلس مذکورک
 ید اداره سنه تفویض قلندی . چند سنه بو صورتله اداره مملکت
 اولندقدن صکره ریشار زمام سلطنتی کندی ید استقلالنه ایش
 و فقط سفاهت و احتشامه زیاده مایل اولدیغدن مملکتک هر طرفده آثار
 عصیان رونما اوله رق تسکینی ایچون پک چوق قانلر دوکلمشدر .
 رؤسای عصاتدن عموجه سی غلوسستر دوقه سنی طوتوب برقلعه ده
 حبس ایله چند سنه صکره لوراده اجلیله وفات ایش و بعض مورخینک
 قولنه کوره ریشارک امر ایله خنق اولمشدر . دیگر عموجه سی
 اولوب کندوسنه مخالفتده بولتان لانقاستر دوقه سنک دخی
 منفیاً وفاتنه باعث اولمشدر . مومی الیه ریشار برمنوال محر
 رقسای نفوذندن استخلاص کر بیان ایدرک تمامیه مستقل باز رأی
 اولدقدنه فوق العاده مظالم و تعذیاته جرأت ایلد یکندن انکلتزه
 اهل بسنده کمال استعداد عصیان نمایان اولدیغی صره ده مومی الیه
 ریشار حزم و احتیاطه رعایت ایتسیه رک دیگر عموجه سی یورق
 درقه سنی وکیل براغوب اسقوچیا به عزیمت ایلدی . اهالی قرالک
 غیبو بتی غنیمت عد ایدرک لانقاستر دوقه سنک ارغلی اولوب
 فراراً فرانسه ده بولتان هانری به خبر کوندر ملر ایله مومی الیه
 بر مقدار عساکر ایله انکلتزه به کلمش و اهالی طرفندن فیرق الغایه
 مظهر حسن قبول اولمش ایدو کندن وکیل حکومت اولان یورق
 دوقه سی دخی یاخوفاً و یاخود خیانتیه اسلامقا ومت کوستر میه رک
 مومی الیه هانری طرفه الحاق ایشدر . ریشار بو خبری
 استماع ایدرک علی العجله انکلتزه به کلد کده اخذ و حبس اوله رق

جبراً استعفا ایتدیر یلوب انتخاب اهای ایله ودر دخی هاتری نامیله
انکلتزه تخشه مومی ایله هاتری جلوس ایتش و بوضورتله انکلتزه
تختی پلاتازنت خاندانی شعبه سندن لافقا ستر فامیاسنه
انتقال ایلشدرد و قرال سابق ریشار دخی محبسه اچ
براعیلهرق بلا واند فوت اولشدرد
(بقیة سی صکره) (قدری)

(مدخل علم ژئولوژی) (مابعد)

معادنك خواص مخصوصه لری
خالص تیمور معادن مطرقه نك جلوه سندن سرت اولوب نطق دخی
صویك نفلتندن یدی کره زیاده در اشبو معدن مائی به قریب
قیرر کلو و جلای معدنیسی دخی چوق اولوب قوه قطرقیه سی
قلبلجه ایسه ده قوه انجرا ریه سی زیاده در یعنی پك اینجه لوحه
شکلنه کیره میوب لکن اینجه تل اولمقلغه صالحدر و درجه
حرارت احرارده یومشاق اولوب زیاده حرارته یعنی بیاض درجه
حرارته دکن یومسادلده قده چکیج ایله ضرب اولنهرق آخر تیموره
اکنه بمله خاصه سنه مالکدر که تیمور جیلر ییشنده اشبو خاصه یه
قاناق تعمیر اولنور خاصه مذکوره پلانته ده دخی اولوب اجسام
معدنی سائر ده یوقدر تیمورک مقناطیس ایله مجذوب و کندوشندن
دخی مقناطیس اعمالی ممکن اولدیغی مقناطیس بحثنده تعریف و بیان
اولمشیدی خواص سائر سیچون دخی کییا کتابارینه مراجعت اولنه
فقد بعضاً سماندن هبوط ایدن حدید سماوی بی بو مخلده ذکر و بیان